



Derivanza regionala dals products

Adina dapli clientella appreziescha la derivanza regionala dals products cumprads.

3



Rut Plouda en il Café Rumantsch

Gievgia piglia l'autura ladina Rut Plouda part dal Café Rumantsch a Scuol e prelegia ord sias ovras.

7

südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch



Ils giruns barbets han cuà ingon cun success.

FOTO PNS

La vita tuorna i'l PNS

■ (anr/afi) Davo ün inviern cun paca naiv e las temperaturas chodas da las ultimas eivnas tuorna planet la vita darcheu i'l Parc Naziunal Svizzer (PNS). Ils giruns barbets han cuà d'ürant l'inviern cun success. I'l PNS svesha han cuà duos pèrins e dal terz pèrin nu's esa amo sgür schi ha funcziunà. Pel mumaint vegnan pavlats ils pulschins cun charn da cadaver e quai fin cur chi

sun abels da digerir ossa. Eir otras bes-chas vegnan planet activas. Usche as schmuaintan planet las serps e's laschan s-chodar dal sulai. Passantà l'inviern illa regiun dal Fuorn han ün fin duos lufs. Tenor Hans Lozza, portavusch dal PNS, haja dat quist on pro'ls chamuotschs damain usöls e quai pervi da l'orbera.

> PAGINA 7



Il concern d'energia grischun Repower è staziunà en 16 lieus en Svizra ed in da quels è Bever.

MAD

In pau meglras cifras

DA GION NUTEGN STGIER / ANR

■ Grazia a la vendita d'immo-biglias e las mesiras da spargn ha il concern d'energia grischun Repower scrit l'onn passà in pau meglras cifras. La svieuta è sa reducida per 8% sin 1,7 milliardas francs. Ier hà la direcziun dal manaschi preschenta als represchentants da las medias las cifras 2016 dal travagl d'energia. Kurt Bobst, il directur dal concern d'energia, è sa mus-sà cuntent cun il decurs da l'onn 2016. Sin fundament da la fiera

dira, ils pretschs bass e la concorrenza dad autra energia sco charvun dastga la Repower esser cuntenta cun ils affars, tiers in minus da 13 milliuns francs. Avant in onn saja quai anc stà in minus da 136 milliuns francs, ha menziunà il directur e schef da bunamain 550 emploiads. Il manaschi saja bain per la strategia d'energia 2050, dentant be cun risguardar la gronda muntada la la forza idraulica, ha menziunà Bobst.

> PAGINA 2

Basa legala per pendiculara nova

Il cussegl da vischnaunca da Tujetsch sefatschenta dalla planisaziun locala

DA HANS HUONDER / ANR

■ Las Pendicularas Mustér SA intendan d'ereger ina pendiculara nova a Salins-Cungieri-Cuolm da Vi a Sedrun. Ella duei survir sco access al territori da skis pigl unviern, mo era sco nova attracziun regionala pil turissem da stad. Per che quei seigi pusseivel sto la basa legala persunter vegnir scaffida. Per quei motiv sefatschenta il cussegl da vischnaunca da Tujetsch l'jamna vegnenta dalla revisiun dil plan da zonas e l'adattaziun dil plan general d'avertura. En quei connex dat ei midadas tier differentas spicias da zonas, denter auter la zona da sport, la zona per la protecziun digl uaul e dalla selvaschina. Aschilunsch ch'il cussegl communal approbescha la revisiun vegn quella suttemassa alla votaziun all'urna. Quella revisiun dil plan da zonas ei necessaria per che la pendiculara nova sappi vegnir realisada. Cun quella pendiculara havessen skiunzas e skiunzas da Sedrun, mo era ils hospis da vacanzas, access egl avegnir directamein el territori da skis da Caischedra-Péz Ault. La colligiazion nova duess denton esser



Vesta naven da Nalps el territori pertuccau dalla pendiculara nova sur Sedrun.

FOTO H. HUONDER

in'attracziun e nova purschida era per la stagiun da stad. Ultra dalla pendiculara nova eis ei era previu da realisar in niev runal sil Cuolm da Vi. Quel duess esser adattaus era per persunas ch'emprendan

d'ir cun skis. Medemamein ei planisau en gliez territori in niev restaurant. A Cungieri duei ei dar ina pussevcladad d'extrada dalla pendiculara. Cun las adattaziuns dil plan da zonas e dil plan gene-

ral d'avertura pren il cussegl da vischnaunca da Tujetsch in'emprema decisiun concernent quei project.

> PAGINA 3

Arena tectonica sa prepara per 2018

■ (rtr) L'Arena tectonica Sardona ha a la radunanza da delegads a Wangs (SG) approvà il quint annual dal 2016. Quel serra cun in gudogn da 58 000 francs. Uss pon las preparativas per l'onn da giubileum 2018 cumenzar. A la radunanza da delegads è vegnì elegì Leci Flepp sco commember dal cussegl consultativ scientific. Flepp è manader da la partiziuon perscrutaziun, svilup e servetschs da la Scol'auta pedagogica dal Grischun. Reelegi en uffizi è vegnì Fritz Marti-Egli da Matt (GL), vicepresidente resta Sep Cathomas da Breil.

Plinavant han delegadas e delegads approvà il quint annual dal 2016. Quel serra cun in gudogn da 58 000 francs. Tenor comunicaziun saja quest surpli cunzunt d'attribuir a la conclusiun da la cunvegna da prestaziun 2016-19 cun ils chantuns. Il gudogn vegn tenor Harry Keel, il manader da fatschenta da l'Arena tectonica Sardona, tranter auter duvrà per il giubileum dal 2018.

Spieghel d'ina midada

100 onns Pro Senectute – ils Grischuns a Berna

■ (anr/abc) Sonda vargada ha l'organisaziun tetgala dalla Pro Senectute envidau tut sias secziuns cantonalas ad ina gronda sentupada a Berna. Era 50 persunas dil Grischun ein viagias a Berna. Il Grischun ha giu ina preschientscha speciala a quella fiasta centenara. E quei per plirs motifs: L'organisaziun tetgala aveva incumbensau Pro Senectute Grischun da producir in spot da reclama. Il Chor Canziano cun siu

dirigent Rico Peterelli ed ina part dils 130 cantadurs e cantadurs san ins veser uonn trasora sil monitur. El center dalla festività ufficiala a Berna ei la midada dil presidi svizzer. Toni Frisch ch'ei staus sis onns president da Pro Senectute Svizra ha surdau la bitgetta ad Eveline Widmer-Schlumpf. Alla festività ha Rezia Peer, la cantautura da Ftan, representau la Romontschia. Gest suenter ella ha reclama. Il Chor Canziano cun siu

federal ha puntuau ch'ins dueigi ir entuorn oz autruisa culla vegliadetgna. Ils 23 d'october 1917, durant l'Emprema Uiera mundiala, fuvan diesch umens s'entupai a Winterthur cugl intent da statuir in comite d'organisaziun provisoric per fundar la «Fundaziun per la vegliadetgna». Tschun onns avon, ils 1912, havev'ins fundau la Pro Juventute.

> PAGINA 5



La nova presidenta dalla Pro Senectute svizra ant. cussegliera federala Eveline Widmer-Schlumpf. FOTO M. HARTMANN



30014

Servetsch d'abunents e da distribuziun: tel. 0844 226 226 mail: abo@somedia.ch